

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 231979 23 St
Zenica, 24.09.2025.godine

Općinski sud u Zenici, stečajni sudija Amela Sinanović, u stečajnom postupku nad imovinom društva "BOSNIAKOP" d.o.o. Usora u stečaju, Tešanjaska bb, Usora, odlučujući po prijedlogu stečajnog upravnika Pašalić Muamera iz Zenice za zaključenje stečajnog postupka, nakon održanog ročišta dana 17.09.2025. godine kome je prisustvovao stečajni upravnik, van ročišta, dana 24.09.2025. godine, donio je sljedeće:

RJEŠENJE

Zaključuje se stečajni postupak nad imovinom društva "BOSNIAKOP d.o.o. Usora u stečaju, Tešanjaska bb, Usora, nakon namirenja povjerilaca višeg isplatnog reda u iznosu od 90.935,96 KM, a što u procentu iznosi 100 %, povjerilaca općeg isplatnog reda u iznosu od 44.637,08 KM, a što u procentu iznosi 33,21 % i troškova stečajnog postupka.

Ovo rješenje objaviti će se u „Službenim novinama F BiH“, a dostava se smatra izvršenom istekom pet dana od dana oglašavanja istog.

Po pravosnažnosti rješenja o zaključenju stečajnog postupka, naređuje se brisanje stečajnog dužnika iz registra privrednih društava kod Općinskog suda u Zenici, koji je upisan pod MBS: 43-01-0477-12 i svih javnih registara.

Obrazloženje

Rješenjem ovog suda broj: 43 0 St 231979 23 St od 19.07.2024. godine otvoren je stečajni postupak nad društvom "BOSNIAKOP" d.o.o. Usora u stečaju, Tešanjaska bb, Usora.

Stečajni upravnik je dana 16.06.2025. godine u spis suda dostavio dokaz o izvršenoj završnoj diobi, te je dana 21.07.2025.godine dostavio izvještaj o završnoj diobi i prijedlog za zaključenje stečajnog postupka nad imovinom stečajnog dužnika.

Postupajući po prijedlogu stečajnog upravnika, sud je Rješenjem od 30.07.2025.godine shodno odredbi čl. 190 st. 3. Zakona o stečaju („Sl. novine FBiH“ br. 53/21) zakazao ročište na koje je pozvao stečajnog upravnika i sve povjerioce objavom Rješenja u „Sl. novinama FBiH“ br. 61/25 od 13.08.2025.godine, kao i na oglasnoj ploči suda i web stranici suda.

Na ročištu održanom dana 17.09.2025.godine, u prisustvu stečajnog upravnika, a odsutnosti uredno obavještenih povjerilaca, stečajni upravnik je izjavio da su na ispitnom i izvještajnom ročištu održanom dana 10.10.2024. godine, kao i posebnom ispitnom ročištu održanom dana 10.03.2025. godine, priznata sva prijavljena potraživanja u ukupnom iznosu od 227.004,23 KM, od čega je iznos od 90.935,96 KM svrstan u viši isplatni red, a iznos od 44.637,08 KM u opći isplatni red. Po ocjeni ovog suda stečajni upravnik je očitom omaškom naveo da je navedeni iznos svrstan u opći isplatni red budući da je navedeni iznos prema stanju spisa isplaćen povjeriocima općeg isplatnog reda, a u opći isplatni red je svrstan iznos od 134.407,47 KM. Dalje je na ročištu istakao da je skupština povjerilaca je donijela odluke o načinu unovčavanja imovine i to naplatom police o osiguranju imovine i obezbjeđivanje gomile izgorjenog materijala. Polica osigurane imovine je uspješno naplaćena u cijelosti u iznosu od 148.000,00 KM. Pored toga u stečajnu masu je unio i povrat od Porezne uprave Republike Srpske u iznosu od 1.630,26 KM. Prema obrazloženom zahtjevu za pokriće troškova postupka, koji je stečajni upravnik uložio u spis suda, troškovi

u stečajnom postupku su ukupno iznosili 11.057,22 KM. Stečajni upravnik je na ročištu izjavio da je ukupna stečajna masa raspoloživa za diobu iznosila 135.573,04 KM. Kada je u pitanju obezbjeđenje izgorjenog materijala podnio je krivičnu prijavu i u svojstvu svjedoka- prijavitelja je u PU Zenica dao izjavu, a o čemu je uredno obaviješteno nadležno Kantonalno tužilaštvo, pa kako je neizvjesna eventualna naplata naknade štete prouzrokovane stečajnom dužniku, a što sve ovisi od rezultata istrage i eventualnog pokretanja krivičnog postupka, predlaže da se ista tretira kao naknadno pronađena imovina . Dalje je istakao da na ročištu za završnu diobu stečajni povjerioci nisu imali niti jednu primjedbu na prijedlog završne diobe , koji je u cjelosti sproveo i o čemu je sud obavijestio dana 16.06.2025. godine, uz dostavu dokaza o isplati potraživanja povjerilaca višeg isplatnog reda, koji su namireni u procentu od 100 % , isplati povjerilaca općeg isplatnog reda koji su namireni u procentu od 33,21 %. Prema prijedlogu za zaključenje stečajnog postupka koji je stečajni upravnik uložio u spis suda namirenje povjerilaca općeg isplatnog reda iznosi u novcu 44.637,08 KM ili 33,21 %. Stečajni upravnik je na ročištu izjavio da su troškovi postupka namireni u cjelosti. Također je izjavio da kada je u pitanju niži isplati red nije bilo poziva za namirenje niti sredstva za naknadu istog. Stečajni upravnik je istakao da budući da je u ovom stečajnom postupku cjelokupna imovina unovačena i izvršena dioba , o čemu je u spis suda dostavio dokaze, zbog čega je predložio da sud u skladu sa odredbama člana 190. stav 1. Zakona o stečaju zaključi stečajni postupak nad BOSNIAKOP d.o.o. Usora u stečaju, Tešanjaska bb, Usora, te da briše društvo iz sudskog registra.

Kako na ročište nije pristupio niko od povjerilaca iako su o ročištu bili uredno obaviješteni objavom oglasa u „Sl. novinama F BiH“ sud je smatrao da nemaju prigovora na izvještaj stečajnog upravnika o završnim radnjama u postupku i izvještaj o troškovima postupka.

Stečajni upravnik je dužan predložiti naknadnu diobu nakon zaključenja ovog postupka u slučaju ispunjenja uvjeta koje propisuje odredba člana 192. Zakona o stečaju, odnosno po pronalasku bilo kakve imovine stečajnog dužnika, kao i u slučaju naplate bilo kakvog potraživanja u ime stečajnog dužnika.

Imajući u vidu da na prijedlog za završnu diobu nije bilo prigovora povjerilaca i kako je izvršena podjela sredstava predviđenih za istu, te kako je stečajni upravnik dostavio dokaze o izvršenoj završnoj diobi, sud je u skladu sa članom 190 st.1. Zakona o stečaju, donio odluku kao u izreci rješenja jer je prijedlog za zaključenje stečajnog postupka osnovan.

PRAVNA POUKA:

Protiv ovog rješenja dozvoljena je žalba
Kantonalnom sudu u Zenici, putem ovog suda,
u roku od 8 dana od dana objavljivanja u
„Službenim novinama F BiH“.

Stečajni sudija
Amela Sinanović, s.r.